

KERATAN AKHBAR-AKHBAR TEMPATAN
TARIKH: 01 JUN 2015 (ISNIN)

Bil	Tajuk	Akhbar
1.	Riuh Sakan mampu perkenal produk kreativiti, inovasi	Utusan Malaysia
2.	Insiden keselamatan siber meningkat	Utusan Malaysia
3.	Penemuan spesies baharu	Utusan Malaysia
4.	Technology Park Malaysia	Utusan Malaysia
5.	Technology Park Malaysia	New Straits Times
6.	Technology Park Malaysia	Harian Metro

KERATAN AKHBAR
UTUSAN MALAYSIA (DALAM NEGERI) : MUKA SURAT 28
TARIKH: 01 JUN 2015 (ISNIN)

Riuh Sakan mampu perkenal produk kreativiti, inovasi

MELAKA 31 Mei - Kementerian Sains, Teknologi dan Inovasi sedia bekerjasama dengan Utusan Melayu (M) Berhad untuk mengetengahkan produk kreativiti inovasi pada setiap acara dan program yang dianjurkan oleh syarikat akhbar itu di seluruh negara, termasuk Fiesta Riuh Sakan.

Timbalan Menteri-nya, Datuk Dr. Abu Bakar Mohamad Diah berkata, kementeriannya sedia membantu menyediakan seberapa banyak pencipta produk kreativiti untuk menyertai program Kumpulan Utusan bagi memperkenalkan hasil ciptaan rakyat tempatan.

Katanya, langkah itu juga bersesuaian dengan moto kementerian iaitu 'kreativiti menjana kekayaan' dan diharap usaha ini dapat membantu pencipta berkenaan memperkenalkan produk masing-masing.

"Kadar pengkomersialan produk kreativiti di negara ini dilihat sangat rendah walaupun hasil ciptaan krea-

tiviti rakyat sebenarnya agak tinggi. Ini kerana untuk memasarkan atau mempromosikan produk itu memerlukan perbelanjaan yang besar.

"Sekiranya Utusan Melayu (M) Berhad dapat memasarkan produk kreativiti menerusi program dan acara yang diadakan seperti Riuh Sakan, kementerian sedia bekerjasama dan membantu untuk memberi ruang kepada mereka ini memperkenalkan produk masing-masing," katanya.



ABU BAKAR

Beliau ditemui selepas melawat tapak pameran Fiesta Riuh Sakan 2015 yang berlangsung sejak kelmarin di Dataran 1Malaysia Klebang di sini hari ini.

Dalam kunjungan pada hari terakhir fiesta itu, Abu Bakar yang juga Ahli Parlimen Tangga Batu sempat beramah mesra dengan sebahagian daripada pengunjung dan petugas Kumpulan Utusan se-

lain menyertai pelbagai program yang disediakan.

Menurut beliau, kementerian berusaha memperkenalkan produk kreativiti dan inovasi selaras dengan usaha menjelang tahun 2020 untuk mempromosikan sebanyak 360 produk berkenaan.

Selain itu, katanya, kementerian turut berhasrat untuk menaikkan kadar pengkomersialan produk kreativiti negara kepada 15 peratus menjelang tahun itu berbanding hanya lapan peratus kadar ketika ini.

"Masalah yang berlaku bukanlah rakyat negara kita kurang penghasilan produk kreativiti sebaliknya mereka sukar untuk memperkenalkan produk itu ke luar.

"Orang ramai juga pada yang sama masih ragu-ragu dengan produk kreativiti dan inovasi tempatan dan kita harapkan dengan penganjuran seperti Riuh Sakan ini, orang ramai akan menyokong produk kreativiti negara dan sebagai contoh, produk itu adalah begitu asas seperti kaedah memberi makan haiwan peliharaan atau produk membunuh serangga," katanya.

Insiden keselamatan siber meningkat

Oleh **SOFIAN BAHAROM**
sofian.baharom@utusan.com.my

■ KUALA LUMPUR 31 MEI

INSIDEN keselamatan siber didapati meningkat sebanyak 42 peratus dalam tempoh empat bulan pertama tahun ini berbanding tempoh yang sama tahun lalu.

Ketua Pegawai Eksekutif Cyber Security Malaysia (Cybersecurity), Dr. Amirudin Abdul Wahab berkata, ini berdasarkan sebanyak 3,827 insiden keselamatan siber dilaporkan sepanjang Januari hingga April tahun ini berbanding hanya 1,132 kes dalam tempoh sama tahun lalu.

"Jumlah kes insiden siber sehingga 30 April lalu adalah 3,827 merangkumi *spam* sebanyak 1,708, penipuan dalam talian sebanyak 1,056 dan pencerobohan (688).

"Ketiga-tiga kes tersebut merupakan yang tertinggi dilaporkan ke Pusat Cyber999 Cybersecurity," katanya ketika dihubungi di sini hari ini.

Mengulas lanjut, Amirudin berkata, insiden-insiden lain yang berlaku dalam empat bulan pertama tahun ini termasuk gangguan siber

dengan 153 kes, kod-kod berbahaya (103 kes) dan percubaan mencero boh (92 kes).

Selain itu katanya, kesalahan berkaitan kandungan siber pula mencatatkan 11 kes, penafian perkhidmatan dengan 10 kes dan laporan ancaman siber (enam kes).

"Meskipun insiden ini dilihat terkawal tetapi berlaku peningkatan jika dibandingkan dengan tahun lepas pada tempoh sama.

"Perkara ini kerana pada tahun lepas, jumlah kes insiden siber dilaporkan ke Cyber999 di cybersecurity setakat April 2014 adalah 2,695," katanya.

Sehubungan itu, kata beliau, adalah penting bagi semua pihak untuk melihat ancaman keselamatan siber sebagai tanggungjawab bersama yang bermula dengan kesedaran mengenai ancaman keselamatan siber itu sendiri.

Menurutnya, ini kerana sumbangan orang ramai terhadap usaha-usaha Cybersecurity dalam menangani insiden



DR. AMIRUDIN

ini dilihat kurang.

"Pada masa yang sama, organisasi perlu mengamalkan dasar dan operasi yang menitikberatkan keselamatan siber seperti pelaksanaan amalan terbaik Pengurusan Sistem Keselamatan Maklumat (ISMS) 270001.

Selain itu, kata beliau, organisasi perlu

sentiasa melakukan audit dengan kerap kepada sistem infrastruktur teknologi maklumat dan komunikasi (ICT) masing-masing.

"Kakitangan mereka juga perlu didedahkan dengan ilmu dan kesedaran tentang keselamatan siber. Di Cybersecurity, kita ada program dinamakan CyberSafe bertujuan mempromosikan kesedaran berkenaan," katanya.

Beliau memberitahu, sekiranya berlaku sebarang insiden berkaitan keselamatan siber, orang ramai boleh melaporkan terus ke cyber999@cybersecurity.my atau talian 1300-882-999.

